

Na osnovu člana 48. stav 1. tačka 19. i član 83. stav 2. Statuta Raiffeisen Invest Društvo za upravljanje fondovima d.o.o. Sarajevo, Nadzorni odbor Raiffeisen Invest Društvo za upravljanje fondovima d.o.o. Sarajevo (u daljem tekstu: Društvo) na dvadesetšestoj sjednici održanoj dana 04.10.2016. donosi slijedeću:

**ODLUKU  
O USVAJANJU IZMJENA I DOPUNA STATUTA RAIFFEISEN CASH  
OTVORENI INVESTICIJSKI FOND SA JAVNOM PONUDOM**

**Član 1.**

Ovom Odlukom usvajaju se izmjene i dopune Statuta Raiffeisen CASH otvorenog investicijskog fonda sa javnom ponudom broj 51/11 od 01.12.2011. godine sa izmjenama i dopunama usvojenim pod br.223/14 od 04.03.2014.godine (u daljem tekstu: Statut Fonda).

**Član 2.**

U članu 1 briše se stav 2.

**Član 3.**

U članu 10. u stavu 1) riječi "75% neto imovine Fonda " se zamjenjuju riječima "60% neto imovine Fonda ".

U članu 10. mijenjaju se stavovi 3,4,5 i sada glase:

„Imovina Fonda ulaže se u skladu sa Zakonom predviđenim uslovima u sljedeće finansijske instrumente:

- Oročeni depoziti i novac na računima kod ovlaštenih banaka u Bosni i Hercegovini, zemaljama članicama Evropske unije (Zemlje članice) i drugim državama sa maksimalnim dospeljećem od 12 mjeseci;
- Instrumenti tržišta novca izdati ili garantovani od strane Bosne i Hercegovine, Federacije Bosne i Hercegovine, Republike Srpske ili jedinica lokalnih i regionalnih samouprava FBiH i Republike Srpske ili od strane Centralne Banke Bosne i Hercegovine, Zemalja članica, lokalnih vladinih jedinica ili centralnih banaka Zemalja članica, evropske Centralne banke, evropske Investicione banke, Zemalja koje nisu članice, saveznih jedinica u slučaju saveznih zemalja, ili od strane javnog međunarodnog tijela čije su članice jedna ili više Zemalja članica;
- Investicijski fondovi koji pretežno ulažu u niskorizične instrumente s fiksnim prinosom izdavatelja u BiH, Zemljama članicama i zemalja koje nisu članice;
- Dugoročne dužničke papire izdati ili garantovani od strane Bosne i Hercegovine, Federacije Bosne i Hercegovine, Republike Srpske ili jedinica lokalnih i regionalnih samouprava FBiH i Republike Srpske ili od strane Centralne Banke Bosne i Hercegovine, Zemlje članice, lokalnih vladinih jedinica ili centralnih banaka Zemalja članica, evropske Centralne banke, evropske Investicione banke, zemalja koje nisu članice, saveznih jedinica u slučaju saveznih zemalja, ili od strane javnog međunarodnog tijela čije su članice jedna ili više Zemalja članica i dugoročne dužničke papire banaka registriranih u Bosni i Hercegovini ili Zemlji članici ili zemaljama koje nisu članice.

Valutna eksponiranost Fonda prema KM i EUR-u iznosi minimalno 70% neto vrijednosti Fonda.

**Raiffeisen INVEST Društvo za upravljanje fondovima d.o.o. Sarajevo**

- 71 000 Sarajevo • Zmaja od Bosne bb • Tel.: +387 33 72 86 00 • Fax: +387 33 65 76 54
- [www.raiffeiseninvest.ba](http://www.raiffeiseninvest.ba)

Fond može ulagati više od 35% neto imovine Fonda u finansijske instrumente čiji je izdavatelj ili garant država BiH, entiteti FBiH i Republika Srpska, jedinica lokalnih i regionalnih samouprava FBiH i Republike Srpske ili Centralna Banka Bosne i Hercegovine, Zemlja članica, zemlja članica CEFTA-e, ili zemlja članica OECD-a, u skladu sa Zakonom predviđenim uslovima."

#### **Član 4.**

U članu 11. Statuta Fonda, stav 1 tačka 5 se briše, dosadašnja tačka 6 postaje tačka 5. Dodaje se nova tačka 6. koja glasi „Operativni rizik“.

#### **Član 5.**

U članu 20. Statuta Fonda mijenja se stav 4. i sada glasi:

„Društvo izdaje i u pismenoj formi dostavlja vlasnicima udjela fonda izvod o stanju i prometu udjela u fondu u njihovom vlasništvu najmanje jednom godišnje. Društvo je obavezno izdati izvod nakon registracije i svake promjene udjela u roku od osam dana od dana registracije u skladu sa odabranim načinom dostave izvoda, odnosno na pismeno podneseni zahtjev za izdavanje izvoda vlasnika udjela Fonda u roku od 3 radna dana od dana podnesenog zahtjeva.“

#### **Član 6.**

U članu 27. riječi "Osnovni kapital Društva u iznosu od 400.000 KM" se zamjenjuju riječima "Osnovni kapital Društva u iznosu od 945.423,90 KM".

#### **Član 7.**

U članu 29. Statuta Fonda briše se ime i biografija Michael Georg Muellera.

Dodaje se tekst koji se odnosi na biografiju Mirhe Hasanbegović koji sada glasi:

„**Mirha Hasanbegović**, izvršna direktorica – članica Uprave Raiffeisen BANK d.d. Bosna i Hercegovina, odgovorna za poslove iz područja Retail poslovanja. Diplomirala je 1999. godine na Odjelu za ekonomiju i menadžment na Međunarodnom univerzitetu u Kuala Lumpuru u Maleziji. 2002. godine stiče zvanje Magistra ekonomskih nauka na Ekonomskom fakultetu Univerziteta u Sarajevu. Do preuzimanja pozicije izvršnog direktora Raiffeisen BANK d.d. Bosna i Hercegovina, od aprila 2007. godine do februara 2015. godine, obavlja funkciju direktora Retail prodaje i distributivnih kanala. Također, iskustvo stiče na rukovodećim pozicijama u HVB Central Profit banci, a prije toga u Bank One Chicago, Central Profit banci, te u Island & Peninsula Kuala Lumpur. Prolazi niz obuka i treninga iz domena ličnog usavršavanja, te postaje procjenitelj za vrhunske izvođače Raiffeisen Bank International (RBI) u Centru za procjenu (talenti RBI). Funkciju izvršnog direktora Raiffeisen BANK d.d. Bosna i Hercegovina vrši od marta 2015. godine. Također, predsjednik je Nadzornog odbora Raiffeisen INVEST d.o.o. Sarajevo, a obavlja i funkciju člana Nadzornog odbora Raiffeisen LEASING d.o.o. Sarajevo te člana Nadzornog odbora UNIQA Osiguranja d.d. Sarajevo.“

Mijenja se tekst koji se odnosi na biografiju Karlheinz Dobnigga, koji sada glasi:

"**Karlheinz Dobnigg**, direktor Raiffeisen BANK d.d. Bosna i Hercegovina, rukovodi poslovima iz sljedećih područja odgovornosti: Podrška i nadzor (Marketing i odnosi s javnošću, Kadrovski poslovi, Sprovođenje zakonitosti u poslovanju Banke, Sekretarijat Banke), Riznica i finansijska tržišta i investicijsko bankarstvo, supsidijarnim licima Banke kao i Raiffeisen LEASING d.o.o. Sarajevo. 1992. godine završio Academy of Economics Bruck/Mur, nakon čega uspješno završava i trogodišnji Trainee program u Bank Austria Creditanstalt. 2002. godine završava i Bank Austria Creditanstalt Cyber School. Zvanje Magistra ekonomije iz oblasti finansija, bankarstva i osiguranja stiče 2012. godine. Prije preuzimanja pozicije direktora Raiffeisen BANK d.d. Bosna i Hercegovina, radno iskustvo stekao je na poziciji člana Uprave Raiffeisen BANK d.d. Bosna i Hercegovina, te na rukovodećim pozicijama u Novoj Banjalučkoj banci, HVB Central Profit banci i Bank Austria Creditanstalt. Funkciju direktora Raiffeisen BANK d.d. Bosna i Hercegovina vrši od jula 2014. godine. Također,

**Raiffeisen INVEST Društvo za upravljanje fondovima d.o.o. Sarajevo**

• 71 000 Sarajevo • Zmaja od Bosne bb • Tel.: +387 33 72 86 00 • Fax: +387 33 65 76 54

• www.raiffeiseninvest.ba



obavlja funkciju predsjednika Nadzornog odbora Raiffeisen LEASING d.o.o. Sarajevo, član je Nadzornog odbora Raiffeisen INVEST d.o.o. Sarajevo i Upravnog odbora Udruženja banaka Bosne i Hercegovine."

#### **Član 8.**

U članu 34. Statuta briše se riječ "sudskog naloga" i dodaju riječi "naloga nadležnog državnog organa".

#### **Član 9.**

Član 40. Statuta Fonda mijenja se i sada glasi:

"Odobrenje Statuta i njegovih izmjena i dopuna od strane Komisije za vrijednosne papire FBiH u skladu sa Zakonom predstavlja uslov valjanosti i primjene Statuta Fonda.

Ovaj Prečišćeni tekst obuhvata Statut broj 51/11 od 01.12.2011. godine na koji je Komisija za vrijednosne papire FBiH dala odobrenje dana 05.12.2011. godine svojim Rješenjem broj 05/1-19-491/11, te izmjene i dopune broj 223/14 od 04.03.2014. godine koje ne podliježu prethodnoj saglasnosti od strane Komisije za vrijednosne papire FBiH i izmjene i dopune broj 1895/16 od 04.10.2016. godine koje je Komisija za vrijednosne papire FBiH dala odobrenje dana godine svojim Rješenjem broj ."

#### **Član 10.**

Istovremeno ovom Odlukom se usvaja Prečišćeni tekst Statuta Fonda koji obuhvata Statut Fonda broj 51/11 od 01.12.2011. godine, izmjene i dopune utvrđene Odlukom broj 223/14 od 04.3.2014. godine i izmjene i dopune utvrđene ovom Odlukom.

#### **Član 11.**

Izmjene i dopune Statuta Fonda utvrđene ovom Odlukom i Prečišćeni tekst iz člana 10. će biti dostavljeni Komisiji za vrijednosne papire FBiH papire na prethodnu saglasnost u skladu sa Zakonom.

#### **Član 12.**

Za realizaciju ove Odluke ovlašćuje se Uprava Društva.

Istovremeno, ovlašćuje se Uprava Društva da u postupku pribavljanja prethodne saglasnosti od Komisije za vrijednosne papire FBiH vrši izmjene i dopune Statuta u skladu sa eventualnim zahtjevima Komisije za vrijednosne papire FBiH.

#### **Član 13.**

Ova Odluka stupa na snagu danom odobrenja Komisije za vrijednosne papire FBiH.

Stupanjem na snagu ove Odluke prestaje da važi Prečišćeni tekst Statuta Fonda broj 223/a04.03.2014. godine.

PREDSJEDNIK NADZORNOG ODBORA  
CHAIRMAN OF THE SUPERVISORY BOARD

  
Mirha Hasanbegović

Broj: 1895/16  
Datum: 04.10.2016.



**Raiffeisen INVEST Društvo za upravljanje fondovima d.o.o. Sarajevo**

- 71 000 Sarajevo • Zmaja od Bosne bb • Tel.: +387 33 72 86 00 • Fax: +387 33 65 76 54
- www.raiffeiseninvest.ba

